

頭又上為犁頭嘴為石灘歷橫風至獅子頭此為州城八尖山以達於州城

進防城陸路

自松明運逾河十里至平石有河無渡必俟潮退方可渡河十里至高沙頭亦有再二十里為古老橋又二十里至茅坪又十里至埔

崙由埔崙至防城十五里有由三波浦考則不必經過埔崙由內洋水路歷西茅墩入金鷄塘芙蓉港老陸埠至埔崙計水程六十里豐岸十五里至防城

至東興街水程

自龍門開船南行下十里至紅沙灣又二十里至攪埠內洋有港可通缸瓦又十里經灰斗潭勒山村至三口浪內洋對岸為鹿墩凡小艇出入

必由此中過若歸船則從城外闖入此處有神浪二口相傳馬伏波射浪即此處出口外為山心再下則為漁埔港內洋有市名命沙而漁舟集之所歸船下西多於此停泊按請門至西岸一帶俱係沙坪凡行船防攔淺自漁埔至洲

墩八里洲墩至石龜嶺沉十二里此處有洋水尾通入防城石龜嶺至萬水旁歐港三十里萬水旁歐港至白龍尾十二里此處內外洋白龍尾過江至萬水旁尾係安南界十五里萬水旁尾海至竹山埠二十里屬夷洋竹山埠至東興街三十里亦夷洋由龍門

順風揚帆一日夜可到

舊志開載海程

自欽州龍門島東南至烏雷台浦界約半日西南至州屬大小鹿墩外接安南界約半日正南至瓊山海口約四日正北至廣州

五虎門約十日西南至安南國海東府約四日廉州府與瓊屬之臨高唐人旁州對峙龍門與昌化對峙安南之江坪與感恩

對峙崖州則與附近安南國都相逢對矣

入三交道

一由廣東自馬伏波以來水軍皆由之自欽州南大海揚帆一日至西南岸即交州朝陽鎮也又云自廉州發舟師進都齊

一由廣西至宋始開廣西路亦分爲三自憑祥州入者由嶺南關一日至文淵州自思明府入溫邱者過摩天嶺一日至思凌州自龍州入者一日至平西隘

一由雲南自元始開雲南路亦分爲二由蒙自縣者經蓮花灘入交之石瀧由河陽隘者循洮江左岸十日至平原州然皆山徑難行張輔則由憑祥沐晟則由蒙自以抵白鶴縣皆不循伏波故道彼用夾攻之策故也

安南海道

明嘉靖中廉州府知府張岳訪得廉州海道自廉州冠頭嶺分舟北風利二三日可抵安南海東府若沿海岸行烏雷嶺一日至白龍尾二日至玉山門又一日至萬甯州二日至廟山三日至海東府二日至經熟社有石堤陳氏所築以遏元兵者又一日至白藤海口過天寮巡司南至安陽海口又南至多魚海口各有支港以入交州自白藤而入則經水棠東潮二縣至海陽府復經至靈縣過黃徑平灘等江其自安陽海口而入則經安陽縣至海陽府亦至黃徑等江由南策上洪之北境以入其自塗山而入則取古齊又取宜陽縣經安老縣之北境至平河縣經南策上洪之南境以入其自多魚海口以入則由安老新民二縣至四岐邇洪江至快州經鹹子關以入多魚南爲太平海口其路由太平新興二府亦經快州鹹子關口由富良江以入此海道之大略也交州之東有海陽荆門兩策上洪下洪順安快州等府去海頗遠各有支港迤邐數百里大槩不能入故交人多平底淺舟以便入港云

明史嘉靖十六年仇鸞爲帥高書毛伯溫督師駐南甯檄諸路兵並遣正兵分三哨廣西憑祥州爲中哨龍州羅迺峒爲左哨思明府思州爲右哨分奇兵爲二哨歸順州爲一哨廣東欽州爲一哨又烏雷山等處爲海哨又雲南兵於蓮花灘分三哨東西並營駐驛安南莫登庸聞之大懼乞降蓋先是撫臣蔡經言安南水陸之路有六憑祥龍州歸順欽州海陽西路皆接安南也時欽州知州林希元言莫氏所持者惟都齊耳其地濱海淤塗十餘里舟不能泊請以爲王城不支即守都齊都齊不支即

奔海上耳若以東莞瓊海之師助占城擊其南賊不得奔矣以福建之師航海出枝封湖廣之師出欽州與之合都齊無巢穴矣以廣西之師出憑祥雲貴之師出蒙自以攻龍編則根本拔矣如此可一舉定也

附毛伯溫請納莫登庸投降疏

竊惟自昔蠻夷創亂類皆桀傲狙詐憑恃險阻勢強則鷓鴣以梗化力屈則鼠竄以全身卽或稍知利害納款乞降遣使輸誠致貢然而名為嚮化中懷叵測未有被衣自縛哀懇歸生如今日安南莫登庸者夫苗民逆命舜命徂徵及來格則從而分北之謂分別種類明立界限使之有所約束以遂其生此聖王之待夷狄也伏維皇上德符舜禹功光祖宗神武之威藏於不殺光被之化溥於無私乃以先聲丕振而黠酋震驚一矢不遺而蠻邦底定蓋已收有苗來格之功甯可無虞廷分北之政今據莫登庸並小目者士人等籲請內附稱藩歲領大統歷日補進節年貢物等情臣等查得安南自漢晉以後雖稱內附然夷獠之俗瘴毒之氣終不同於中國大率數歲一亂亂必連結黨類攻陷殺戮又必經數歲而始定昔張輔以十餘年勞費僅得數十郡蠻叛者相繼卒棄於夷此明驗也參酌前世利害莫若外而不內以夷治夷如莫登庸有罪投降未宜輕授爵土其孫莫福海現今待命倘蒙矜宥可否賞給都護總管等銜如漢唐故事每年頒給大統歷日今赴鎮南關祇領所缺貢儀查照補足其欽州漸寧古森丫葛金勒四峒行令照原額編入欽州版籍仍量優恤三年以後一體糧差至若黎甯雖自稱為黎利子孫然臣等節據諸司查勘蹤跡委的難明合行雲南撫鎮等官再詳查勘果有可據別無異同聽其仍於漆馬江居住現在所有地方俱屬管理或量與職事徑屬雲南統轄若非黎氏子孫輩而勿論如此處分庶爲曲盡但事關重大伏乞勅部會議取自聖裁以定華夷內外自是可晏然無事矣

通志載入交兵路云欽州控臨大海制馭安南爲藩籬要防折衝重地永樂中兩徵交趾皆自廣西之憑祥雲南之蒙自而未嘗以奇兵出欽州傾其內險故賊得以偷息海上則欽州者滅交趾之要途也

澗洲

澗洲在雷州府遂溪縣西南二百里大海中內有八村山多田少洲人以捕魚爲業上有溫泉產黑泥浣衣使白如雪前爲蛇洋洲各有山埠縹緲烟波間可望而不可即類書澗洲舊爲遂溪屬雍正九年海康民顏福初呈請開墾澗洲田地經遂溪縣詳議事屬難行遂寢乾隆七年巡撫廣東都御史王安國檄雷瓊道張召 司旁一美轉委東場司巡檢嚴熊隨帶書算丈得澗洲南面十二里東西十里北十里周廣四十里自遂溪縣陸路渡澗之處有二一在草灘港一在樂民港計陸程均一百四五十里北至廉府海道一百八九十里至龍門島前明駐遊擊署址尚存康熙元年遷界後戶口安插雷廉間而間無居人矣洲內村基八處面而皆山山麓大小水坑三十有一藉資灌溉可作水田者約二十三頃零餘旱田七十五頃零山石巉巖不產竹木器具薪樵之屬無所取材又洲形似蟹船隻收泊風信不順難於進澳設兵安塘所費不貲開墾之議復寢乾隆十八年知府周碩勳因海面巨洲介在雷廉漫無專轄恐聚匪藏奸請飭水師相機控制旋經高州總兵官楊永和以安民開墾固屬難行防範稽察不可不密查雷協海安營距澗洲六百餘里龍協永安營距澗洲一百五十里澗洲本隸雷郡若海安營因相隔路遙而竟置不問殊非定界分疆之道若永安營以澗洲非屬郡所屬乃近在肘腋竟漠不相關亦非急公趨事之義應令龍門協副將海安營游擊每年上下班統巡時各赴澗洲親查結報月巡應歸永安營守備以專責成議上兩院通飭遵行周志

嘉慶十一二年間洋匪與岸匪相通路爲賊巢兩層總督百齡巡邊至雷錄洲內居民徙入雷廉居室田畝盡毀十九年招安海寇洋面始靖因勒碑封禁以垂永遠張志

澗洲說

碧城雜著

俞功楚光緒甲申軍台補其詳著三卷並詩鈔刊行

水中可居者曰洲居於海者大率洲其統名而星羅棋布天池已浸間者不知凡幾以東粵論之瓊州卽一大洲故名瓊島此外之以洲名者更僕難數而香劉欣斯撰交州記獨紀台浦八十里有澗洲周圍百里考之前代台浦郡兼轄雷雷而自分郡

以來則瀼洲屬雷州之遂溪縣甚（木旁）川司文州記云台浦有瀼洲蓋從其朔言之也唐制甚（木旁）川有巡司在甚（木旁）川村遙領瀼洲宋元因之明初置瀼洲巡檢在洲嗣因海警設瀼洲遊擊名爲防海專守珠池分左右二部及牙山營大小兵船均隸瀼洲營近百數洲有游擊署乾隆時遺址尚存嘉慶十一二年間海賊張鄭二寇及烏鴉二烏石二伍細青阿婆帶等惡氣正熾洋匪與岸匪通踞洲爲巢不得已飭洲內居民分徙雷廉廬舍盡毀田畝荒蕪至十五年洋面既靖遂勒碑永遠封禁蓋與康熙初年邊界古插洲民一空之辦法略同議者總以設兵安塘所費不貲置戍開墾事屬難行且謂山石巉巖不產竹木所需器具薪樵之屬無所取材又謂風信不順難於進退故雷莫其去廉厥其來幾同甌脫究之海面巨洲介在雷廉漫無專轄聚匪藏奸誠非細故舊志遂溪縣西南二百里嶺中有瀼洲山有三池產珠團團皆海周七八十里是瀼洲殆卽媚川都五洲七洲之外洲也又載廉郡珠母海中有圍洲周百里昔有野馬渡此亦稱馬渡則於廉固不遠矣洲形似蟹團團成匡前各記約百里或七八十里蓋大略也實丈竹周廣四十里其南田稍贏二里兩傍岔出雙教（虫脚）宛然攫抱盤石旋渦守風寄校八村跪列面面皆山山麓大小水坑三十一引其泉灌田可開水田旱田近百頃山多田少餘夫以採海爲生或類珠戶涌出溫泉不難（火脚）而熱又產黑泥滌衣編白是名大蓬萊其陽有蛇洋洲特起山阜圍里數略狹與瀼洲相對波光雲影紫翠空濛殆可比三神山故名小蓬萊項（水旁）洞萬頃中儼以橫行者互乎其間復以蜿蜒（虫旁）寅（虫旁）屈者儼乎其左意者造物之無心結構歟柳子厚云楚之南少人而多名其氣之靈不爲偉人瑰士而特鍾於大海之一卷奇矣故交州記不及其他而獨紀瀼洲今將以瀼洲隸台浦矣溯自陽江至東海爲西上路如廣海吳川甸（石旁）直東山各營均屬管轄自海口至龍門爲西下路所有海口海安等營均歸瓊州鎮管轄瓊鎮向係陸路自改歸水師總兵與陽江鎮分此二千餘里洋面高之甸（石旁）洲雷之東山既歸陽江則瀼洲屬之龍門勢亦相宜蓋雷州海安營距瀼洲六百餘里龍協永安營距瀼洲一百五十里遠近殊也俗以合浦縣丞爲山口左又謂永安左或謬歸廉之瓊移縣丞駐瀼洲稍資彈壓然如雷瓊道兼轄濠州實

則料理兵餉只海南一府不過遙制海北免孤懸海外之勢其高廉雷總兵官取給於三府故雷屬地丁撥餉全解高廉道不營高廉雷兵備道也國家之制大牙相錯文武相維不狃於沿襲亦不喜於更張所以控馭布置如人之一身無處不血脈貫貫者均有深意存也而或中外交涉通塞時異近日機器之具四裔往來無不易到與前代又一局而況此間密邇越南如意防閑綢繆未雨隨時隨地而補苴之者則在乎其人唐唐小言規規淺效若以汎防處分等私意間之值矣抑聞之昔有龍門水師將領循例巡海佩帶虎符侈陳鼓吹隨以愛姬當錦袍顧曲風定波澄之時忽天際一盜舟破浪而至其渠即過船縛將士棄他舟竟奪紅皇懸鈴挂帆有其一切徜徉而去莫敢誰何嗣他舟遇救免主者以失印疑是知龍門海防之寄甚重若不假以事權兼顧濶洲徒言赴查結報或但歸永安營守備以專責成則謀開謀禁二者均難查自遂溪陸路渡濶洲有二道馬一草灘港一樂民港計陸程均一百四五十里方渡洲北距廉州龍門島則一百八九十里海道逕達合浦為廉郡附郭並北海陸路六十里珠場巡檢在北海由北海以望濶洲天氣晴朗隱約可見朱船往還順風一日洋面到渡八十里與交州記符冠頭嶺近北海舊設礮臺距濶洲八十餘里曾與周鳳山遊戎親歷崎嶇高庠地勢是歸廉營管轄而海國見聞錄外洋有濶洲當雷廉瓊三郡之中惟盛夏南風大作不可停舟餘時皆可灣泊盜船便於憩息則此洲之利害久矣近來村基重開寓客四五千人都入教也亦有書塾習應制詩文補遂溪縣學弟子員數名自稱教生員其舉秀才者村氓奉為鄉望現北海居有洋人覬覦傳教輪船便利夷情巨測矧茲冠頭嶺外遼闊水天緜濶鷄門風帆瞬息迢遞暹陽鯨波浩淼濶洲設有腰站方能周匝顧必於龍門為襟帶而龍門尤不可單弱蓋龍門枕交夷之衝凡占城暹羅西汗等國入內洋來必由龍門而與越南交界之西規沙海道祇一百四十里是為粵東全省西路咽喉似必將龍門水師改設重鎮厚其兵力輔以輪船內外聯絡使近在肘腋者不為贅疣之累而為指臂之助並數千客眾不致有他族虞者殆於濶洲是賴嗟乎此洲亦嘗為海隅棄物矣論其環海屏山湯泉清澗分布諸村良田百頃近又絃誦相聞漸濡雅化或須有無交易則安穩布帆斜陽歸艇使其在江湖內地

當如揚子金焦君山洞庭必有好事者緣飾以寺觀亭臺點綴以禽魚花竹加之題詠以增島嶼輝光奚至同間田隙地羣不相顧幾若曠之三不要地以不相附麗為快者是固茲洲之不幸也雖然一經整頓則西來孔道夷夏大防將來與龍門特自屹然砥柱於中流或亦地運之轉移人事之變遷耶邱對顏詩云滙洲對冠頭中若隔一髮胡不築城寨徒棄作巢穴又云下以聯瑣瑤瑤上以扼交起龍門兵雄多撥守莫易輟亦有所見而未暢厥旨歟或曰滙圍也如四瀆之淮曰圍也圍繞揚州北界也此洲為廉洋門戶殆作外國之藩籬而可以回吾民乎故別名曰圍州新

按劃滙洲歸合浦管轄而以永安司巡檢移駐事在光緒二十餘年新增

防倭舊制

明洪武二十七年秋八月命安陸侯吳傑永安伯張全往廣東訓練沿海軍士防倭

是時始有防倭之名

天下鎮守凡二十一處廣東設備

倭巡視海道副使一員都指揮一員又設衛指揮一員專巡海洋聽副使道都指揮節制所轄永安欽州二所每所官一員督旗軍三百名分上下班按期出海巡哨

廣州衛 戰船一隻 鐵鍊五十把 竹篙鏢一百把 黎藎鏢一百把 鐵箭三百把 撈鈎十把 鐵手銃十二把 死人

包十個 鐵包十個 火傘筒十把 燕尾牌十面 九龍盒十個每個飛鎗九枝

永安欽州二所軍器同

滙洲營 滙洲左部大小兵船十二隻 灰斗船五隻 東船二隻 曹(舟旁)船二隻 哨船一隻 烏船二隻 滙洲右部大小兵船十一隻 灰斗船四隻 福船一隻 曹(舟旁)船四隻 哨船二隻 牙山營大小兵船十七隻 灰斗船六隻 曹(舟旁)船六隻 哨船二隻 烏船一隻 東船六隻 八槳船一隻

按滙洲島前明設防海遊擊兼守珠池

乾體營 大小兵船十一隻 灰斗船四隻 曹（舟旁）船七隻

欽州營 遊弋哨船二隻 防城營大小兵船八隻 邊欄船一隻 二槽船一隻 灰斗船五隻 龍門寨大小兵船十六隻

邊欄船五隻 八槳船四隻 灰斗船五隻 小快船二隻

方輿紀要載明永樂七年倭嘗陷廉州而瓊州又廢之外戶五指腹心盡為黎據戶版城邑類皆海濱備倭之制若白沙石雙

石旁一埠頭文昌與海安海康對峙番島飄風突來防禦甚切此西路所當加意者海防為守土要務毋曰鯨兒（魚旁）浪靜

視海上恆樂土也

占驗

占天

朝看東南黑勢急午前雨暮看西北黑半夜看風雨

占雲

天外飛游絲久晴便可期清朝起海雲風雨霎時辰

東南卯沒雲雨下巳時辰雲起南山遍風雨辰時見

迎雲對風行風雨轉時辰日沒黑雲接風雨不可說

西北黑雲生雷雨必聲訇雲勢若魚鱗來朝風不輕

亂雲天半遠風雨來多少風送雨傾盆雲過都暗了

占風

風雨潮相攻颶風難將避初三須有颶初四還可懼望日二十三颶風君可畏七八必有風訊頭有風至春雪百二旬有風君須

風靜鬱蒸熱雷電必震烈東風雲過西雨下不移時

日出卯遇雲無雨必天陰雲隨風雨疾風雨片時息

雲布滿山低連宵雨亂飛雲從龍門起颶風連急雨

雲鉤午後排風色屬人猜夏雲鉤內出秋雲鉤背來

紅雲日出生勸君莫出行紅雲日沒起晴明未堪許

記

二月風雨多出門還可記初八及十三十九二十四

三月十八雨四月十八至風雨帶來潮傍船人難避

端午訊頭風二九君還記西北風大狂回南必亂地

六月十一二彭祖連天忌

七月上旬舉爭秋船莫開八月半旬時隨潮不可移

蝶姑放洋大鷗難當兩日不至三日無妨

海乏沙塵大鷗難禁若近沙岸仔細思尋

烏脊(魚旁)弄波風雨必起二日不來三日難抵

東風可守回來暫候白蝦弄波風起便和

占日

烏雲接日雨即傾滴雲下日光晴朗無妨

早間日珥狂風即起申後日珥明日有雨一珥單日兩珥雙起

午前日暈風起北方午後日暈風勢須防暈開門處風色不狂

白早暮赤飛沙走石日沒暗紅無雨必風

朝日烘天晴風必揚朝日燭地細雨必至

返照黃光明日風狂午後雲過夜雨滂(雨岷)沱(雨頭)

占虹霧

虹下雨雷晴明可期斷虹晚見不明天變
斷虹早掛有風不怕晚霧即收晴天可求
霧收不起細雨不止三日霧蒙必起狂風

占電

電光西南明日炎炎雷光西北雨下連宿
辰開電飛大颶可期遠來無慮遲則有危

電光亂明無風雨晴閃爍星光星下風狂

占潮

月上潮長月沒潮漲大訊潮光小訊月上

水漲東北南東旋復西南水回便是水落

擊定且守船走難纜紐定必凶直至沙岸

走花落丁(石旁)神鬼驚散要知丁(石旁)地大洪泥動(石旁)

水醒水忌

每月初一三十日初二三四五六日水醒至初七日平交十五日水又醒至十六七八九二十日水俱醒二十一日水平如前水
醒流勢甚緊心凡船到七州洋及外羅洋值此數日斟酌船身不可偏東宜扯過西至初八九十十一二三四日水退流東二十
三四五六七八日水俱退東船到七州洋及外羅洋值此數日斟酌船身不可偏西則無水宜扯過東